di le fantarie, col provedador Marzello e li cavali lizieri corvati e stratioti, fino sora Ojo, a sopraveder quello fanno i nimici, et sono andati. Li qual stratioti non si trovono nel facto, perchè il signor Bortolo li mandono avanti a pigliar certo passo. Concludeno, le cosse nostre andar mal, tutti li condutieri e zente d'arme è pauride, excepto Lucio Malvezo, Brandolini e coleschi, che non fono a tempo di la rota; sì che credeno convenirsi partir de li e vegnir a Valezo in veronese. Item, fino stratioti, che hanno aute do page qui, voleno altre do page etc. Trovano pochi fanti, che tutti fuzeno e sono stà mal menati. Item, missier Jacomo Secho è andato a Charavazo, a dar ubedientia al re, chè non è parso a le mostre; si che la compagnia è persa, e quella dil signor Bortolo è quasi disciolta, non voleno star sotto altri

Item, post scripta, scriveno esser zonto uno di quelli di domino Dionisio di Naldo, stato preso da' franzesi nel fato d' arme, venuto per riscatar alcuni compagni presi. Dice, el signor Bortolo esser vivo, ferito soto ne l'ochio, e averlo visto nel pavion dil re, et lo mandava a Milan; et altre particularità, ut in litteris. Et esser stà amazati assa' fanti di nostri, e di francesi pochi; et franzesi si teneno roti.

127 Sumario di letere di sier Francesco Corner, di sier Zorzi, cavalier, a sier Jacomo, suo fratello, date a Reza, a dì 16, horre 19, et recevuta qui a dì . . . dito.

Come sono stati ozi li provedadori col capitanio in consulto, e li capi da pe' e da cavalo e capi di fanti, ben che siano reduti pochi, parte sono a Brexa, parte vengono tutta volta, et sono fora de si o da paura o da vergogna, che cussi vilmente siano roti. Et per il provedador Corner fo proposto do cosse, ch'è di meter zente in Cremona, Crema, Bergamo, Pizigaton et Brexa. Et hanno spazà in Crema Latantio di Bergamo con più fanti el pol haver, e porta danari con lui per farli per la via quanti el pol, è andato etiam Alvise Gujoto e Silvestro Aleardo con zercha 100 balestrieri; Gnagni dal Borgo over Pincone, con quanti fanti, ut supra, vadi a Cremona, Pereto Corso a Bergamo; a la guarda del monte de Brienza se meterà domino Dyonisio di Naldo con tutta la so compagnia, ch' è quasi salvi tutti; in la terra di Brexa forssi si meterà domino Antonio di Pij con 200 homeni d'arme; l'altra si guarderà dai proprij. Si atende saper li andamenti di inimici, voleno andar a campo a Crema. Mai fo vista la più spayentosa cosa, che veder uno exercito roto al modo questo, tutti fuze, li par haver i nimici a le spale, non se li pol trovar modo di meterli insieme, ni con danari, ni con careze. Il provedador di cavali lizieri, videlicet domino Nicolò Marzello, con il governador, videlicet fra' Lunardo da Prato, è stà terminato vadino con tutti i stratioti a la volta de Ojo, super quelle rive, per saper quello fanno i nimici e mostrar siamo vivi. Greco Zustignan si crede sia morto, el fratel di Piero Corso, suo fiol e suo nievo, missier Francesco Boromeo, Zuan Forte e molti altri non si sano dove sia. La compagnia di l' Alviano è disciolta, parte fuziti e parte presi e morti. Scampano ogn'horra; si fa provision ai passi, non si pol divedar, guazano etc.

Data ut supra, hore 19.

Letera dil dito, di 16, hore 19. Come era zonto li uno caporal di domino Dyonisio di Naldo, fo preso da' francesi. Dice el signor Bortolo è a presso il re, e l' à mandato a Milan, ferito sopra l'ochio; non era mal da conto. Francesi aferma si reputavano roti, e che uno solo squadron i refese. Sono mal in hordine di fantarie, di homeni d'arme benissimo. El marchexe di Mantoa, è amalato a Casam, non è stato a la rota. Aferma la morte dil signor Piero dal Monte, Zitolo da Perosa, Franco dal Borgo, e altri non sa certo. Il campo andava a Caravazo, poi Cremona. Sono morti di soi da 200 in suso, boni soldati, et uno di gran nome; di nostri 2000, el forzo ordinanze. Questo è venuto per scuoder 6 compagni di domino Dyonisio, che sono presoni. Item, eri sera 127° zonse a Brexa sier Marco Contarini, di sier Zacharia, cavalier, qual di Cremona voleva andar in campo, e in strada intese la nova et è venuto de lì etc.

Et venute queste letere, lete da li padri di cole- 128 gio, et tutti rimaseno morti et in grandissimo dolor, credendo che 'l campo si dovesse adunar insieme, et vedendo tanta dificultà. Et poi, venuto il principe zoso dil bucintoro, vene con la Signoria in camera dil colegio a lezer dite letere; e cussì non saveano che farssi, ma scriver letere confortatorie, e si provvederia, e di danari e di altro quello volesse, e vedeseno adunar le zente etc.

Di Padoa, di rectori. Chome eri chiamono il suo consejo, intesa la nova cativa, et da lhoro proposeno ajutar la Signoria nostra; e con amorevele parole disseno, ut in litteris, voler far ogni cossa, in laude, honor e defension di la Signoria nostra, contra Franza. Et li deputati a utilia messeno di trovar ducati 5000 e darli a la Signoria nostra in